

# Semua menteri isytihar harta masing2

**KUALA LUMPUR,** Selasa — Datuk Seri Dr. Mahathir Mohamad hari ini mengumumkan, semua menteri, timbalan menteri, menteri besar, ketua menteri, setiausaha parlimen dan setiausaha politik telah mengisytiharkan harta masing-masing.

Menjawab soalan lisan Encik Peter Paul Dason (DAP-Bukit Bendera) dan Encik Chan Teck Chan (BN-Kota Melaka) di Dewan Rakyat, Perdana Menteri berkata mereka menghantar pengisytiharan itu kepada bellau sendiri.

Perdana Menteri juga menjelaskan, pegawai-pegawai tingkatan tertinggi 'D' ke atas dan ketua-ketua jabatan juga telah mengisytiharkan har-

ta masing-masing dan borang-borang mereka sedang diproses.

Katanya, sekiranya ada yang mempunyai harta tidak selimbang dengan pendapatan mereka, siasatan akan dijalankan.

Menjawab soalan tambahan Encik Chan Kok Kit (DAP-Sungai Besi) mengapa harta menteri-menteri, ketua-ketua menteri dan menteri besar tidak diumumkan, Perdana Menteri berkata,

"Masalah tersebut masalah peribadi dan ia menjadi tanggungjawab Kerajaan untuk memastikan sama ada mereka menyeleweng semasa menjalankan tugas."

Jika menyeleweng, tindakan sewajarnya akan diambil terhadap mereka, kata bellau.